

<b>Zeitschrift:</b>	Igl Ischi : organ della Romania (Societat de Students Romontschs)
<b>Herausgeber:</b>	Romania (Societat de Students Romontschs)
<b>Band:</b>	64 (1979)
<b>Heft:</b>	13
 <b>Artikel:</b>	Scola professiunala Surselva Glion : in element dall'economia en nossa regiun
<b>Autor:</b>	Deplazes, Rest Luis
<b>DOI:</b>	<a href="https://doi.org/10.5169/seals-882380">https://doi.org/10.5169/seals-882380</a>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 30.07.2025

**ETH-Bibliothek Zürich, E-Periodica, <https://www.e-periodica.ch>**

# Scola professiunala Surselva Glion

## In element dall'economia en nossa regiun

da Rest Luis Deplazes

L'intenziun dalla scolaziun professiunala ei clara: Nus vulein emprendists e futurs mistergners cun buna scolaziun e quei ton ella clamada sco ella formaziun da caracter. Da treis fontaunas principales retscheiva igl emprendist la materia ed igl impuls che meinan alla finamira giavischeivla. Geniturs (famiglia), firma e scolaziun professiunala formeschon la basa. La buna collaboraziun da quels 3 facturs ei savens decisiva. Buns e serius menaschis animeschon il giuven a buna lavur, la casa e la famiglia introduceschan il giuven ella veta sociala, la scola professiunala promova la savida generala e prepara igl emprendist teoreticamein sin problems che sepresentan ella clamada.

Suenter quellas reflexiuns empau generalas lessel jeu relatar quei e tschei da nostra scolaziun professiunala a Glion.

### *Origin e svilup dalla scolaziun el Grischun*

Quels van parallel cun l'instrucziun professiunala svizra. Ils onns 1908 e 1930 han purtau leschas fetg impurtontas per la scolaziun da clamada sin intschess naziunal. Grischuns iniziativs han empruau da realisar quellas normas conform a nies patertgar grischun. Ei ha dau in sistem da scolaziun fetg federalistic. Quasi mintga cirquit ni vallada pli gronda haveva ina atgna scola professiunala. Quei ei denton buca secumprovau. Damai ch'in scolast instrueva el medem temps scolars da differentas clamadas, saveva igl intent dalla scolaziun buca vegnir realisaus. Beinspert ei la centralisaziun sefatga valer. Cuera sco centrum e capitala ha baghegiau novas localitads cugl intent d'insumma rimnar ils emprendists grischuns a Cuera. Quella centralisaziun totala ha mai giu liug, per cletg! Oz ha il Grischun las suandontas scolas professiunalas: Cuera, Glion, Müstair, Puschlav, Samedan, Tavau.

La structura dallas autoritads che survigileschan la scolaziun professiunala vesa ora dil palancau federal tochen communal sco suonda:

### *Autoritads federalas:*

- Departement federal d'economia
- Cusseglier federal Fritz Honegger
- BIGA, partiziun scolaziun professiunala  
vicedirectur Dr. Rudolf Natsch

### *Autoritads cantunalas:*

- Departement d'educaziun dil Cantun Grischun  
Cusseglier guovernativ O. Largiadèr
- Uffeci per scolaziun professiunala  
Dr. Georg Casal, superieur

### *Autoritads regiunalas:*

- il Cussegl da scola dalla regiun
- il rectur dalla scola che survigilescha la scolaziun e tgira  
il contact culs emprendists, patruns e geniturs

### *Origin e svilup della scola professiunala Surselva*

Cheu en Surselva havevan nus all'entschatta duas scolas professiunalas, ina a Glion, l'autra a Cumpadials. Ina surveva als emprendists dalla Foppa e contuorns, l'autra a quels dalla Cadi. La scola a Glion ha entschiet 1910 e serrau sias portas 1957. Ella veva suuttetg en casa da scola veglia a Glion, oz Casa cumin. Siu menader ei stau Andreas Schmid, scolast a Glion.

In zun interessant svilup ha la scola professiunala dil circuit ni cumin dalla Cadi giu. Ses fundaturs ein stai: scolast Sep Modest Nay, emprem rectur, inspectur Albert Spescha e fabricant Fidel Tuor. Igl emprem suuttetg ha il Hotel Badus (1932–1942) dau, ussa Casa s. Giusep Cumpadials. Il vischinadi da Cumpadials ha lu baghegiau la casa da scola professiunala giu el vitg. Leu ei vegniu instruiu da 1942–1971.

Ils recturs ein stai:

Sep Modest Nay, Danis  
Adalbert Wieland, Sumvitg  
Giuli Maissen, Surrein  
Valentin Vincenz, Trun




Hotel Badus, Cumpadials, scola professiunala Cadi 1932–1942, ussa Casa s. Giusep Cumpadials

La casa da scola professiunala a Cumpadials 1942–1971



Era la scola professiunala dalla Cadi ei daventada in'unfrenda dalla centralisa-  
ziun. 1971, da Pastgas, entscheiva ina nova scola professiunala a Glion cun il  
num «Scola professiunala Surselva». Il marcau da Glion, sin iniziativa dil  
president dil marcau da lu, Carli Sonder, e dil president dils scrinaris gri-  
schuns, Gabriel Lutz, Rabius, ha mess a disposiziun stanzas dalla scola veglia  
a Glion. Ins ha vuliu mantener la scola en Surselva.



La casa da scola veglia a Glion, dimora dalla scola professiunala da 1910–1957 e lu  
puspei da 1971–1977


Era president Erwin Calonder, successur da C. Sonder ei s'engaschaus  
oreifer per mantener la scola a Glion. Sut sia regia ei veginida construida la  
hodierna casa da scola. A Glion ha scolast Valentin Vincenz, Trun, tgamunau  
la scola tochen 1978.

Sut gl'antierur president dil marcau da Glion, cusseglier guovernativ Dr. Donat  
Cadruvi ei la casa nova veginida inaugurada la stad 1977 e lu surdada per la  
scolaziun. Il pertader da nossa casa da scola ei il marcau da Glion ch'ha dau il  
sulom per il baghetg gratuitamein ed investau ina summa daners che vegin  
tscheinsida dalla scola.

## Gewerbeschule Surselva Als mistergners sursilvans

L'inscripziun bilinga alla entrada dil niev baghetg

La hodierna casa da scola professiunala Surselva a Glion



Purtader dalla scola professiunala Surselva

La regiun Surselva ei purtadra, quei vul dir d'ina vart las vischnauncas e da l'autra vart las uniuns da mistergners da construcziun. Aschia han vischnauncas e mistergners possibiltau la scolaziun da lur emprendists cheu en Surselva. La regiun Surselva vegn representada dil Cussegl da scola che vegn elegius dil Cussegl dil marcau da Glion. Quei tenor perscripziuns specialas.

*Dil Cussegl da scola fan part oz:*

representants dil marcau da Glion:

Erwin Calonder, suprendider, pres. dil Cussegl da scola  
Urban Battaglia, contabilist, cassier dil Cussegl da scola  
Mario Schwarz, mecanist

representant dil cumin Cadi:

Werner Bearth, meister-pictur, Rabius

representant dil cumin Rueun:

Michel Cavigelli, scol. sec., Rueun

representant dil cumin Lumnezia:

Fridolin Hubert, scolast, Val, actuar dil Cussegl da scola

representant dil cumin Glion:

Albert Klaiss, lennari, Ruschein

representant dall'uniun da suprendiders da lenn:

Plazi Maissen, suprendider da lenn, Glion

representant dall'uniun da suprendiders da construcziun

Faustin Carigiet, suprendider, Breil

*Branschas che vegnan scoladas a Glion*

Entras la specialisaziun dallas clamadas eis ei nunpusseivel da scolar duas branschas tier il medem scolast. Ils scrinaris drovan lur specialist, ils lennaris il lur. Vegnan las classas d'ina ni l'autra clamada memia pintgas, ei quella sparta sfurzada dad ir en in liug central. Las clamadas da tschep a Glion ein: scrinaris, miradurs, tschentaplattas, picturs, cusunzs e lavunzs chemics.

*Tabella cun il diember e las branschas tenor regiuns, stan settember 1979, en parentesa settember 1978*

regiun	scrinaris	miradurs	tschentapl. picturs	cusunzs	lav.chem.
Cadi	45 (40)	10 (10)	1 (2)	6 ( 6)	3 (3) - (-)
Foppa e					
Rueun	17 (14)	8 ( 9)	1 (1)	6 ( 6)	- (-) 1 (1)
Lumenzia	19 (13)	4 ( 2)	1 (-)	1 ( -)	- (-) - (-)
total	81 (67)	22 (21)	3 (3)	13 (12)	3 (3) 1 (1)

Diember total 1979: 123 emprendists

diember total 1978: 107 emprendists

Quels emprendists vegnan scolai en 60 menaschis. Diember tenor regiun:

Cadi	28 menaschis
Foppa/Rueun	19 menaschis
Lumnezia	13 menaschis

(Cunt. suonda)